

Bosna i Hercegovina
Federacija Bosne i Hercegovine
Kanton Sarajevo
Općina Ilijaš
OPĆINSKI NAČELNIK



Bosnia and Hercegovina
Federation of Bosnia and Hercegovina
Sarajevo Canton
Municipality Ilijas
MUNICIPALITY MAJOR

Služba za prostorno uređenje i stambeno-komunalne poslove

OPĆINSKO VIJEĆE ILIJAŠ

**Odgovori na vijećnička pitanja i inicijative sa 7. sjednice Općinskog vijeća Ilijaš
održane dana 30.3.2017.godine**

Ilijaš: April 2017.godine

MEHO DŽINDO – vijećnik LDS-a

Pitanje-inicijativa-informacija: "Stanovnici naselje Savića Brdo zamolili su me da postavim pitanje u vezi sa rekonstrukcijom puta u ovom naselju koji je u katastrofalnom stanju.

Obrazloženje: Mještani ovog dijela naselja su prošle godine uplatili određen iznos sredstava na žiro-račun općine za rekonstrukciju puta u ovom naselju. Niko iz nadležne službe nije posjetio ovo naselje, niti je informisao stanovnike o realizaciji ovog projekta. Stoga mole nadležnu službu da ih obavjesti kada se planiraju rekonstruisati dionice puta u ovom naselju.

Također, stanovnici ovog naselja pokreću inicijativu da se u dijelu ovog naselja postavi ulična rasvjeta. Oni su saglasni da sami obezbijede betonske stubove i napojni kabel koji posjeduju. Stoga se obraćaju nadležnim organima općine, da posjete ovo naselje i pokušaju riješiti ovaj problem kako bi se poboljšali životni uslovi stanovnika, a pogotovo sigurnost djece koja su manjih uzrasta i pohađaju osnovnu školu. Osim toga, u ovom dijelu naselja živi pretežno stanovništvo iz Istočne Bosne koje je zbog ratnih dejstava protjerano iz tih krajeva, pa se po njihovom mišljenju osjećaju diskriminirano i manje vrijednim od ostalog stanovništva koje živi na ovim prostorima. Ovaj navod potkrepljuju činjenicom da ih nikada i niko od opštinskih organa nije udostojio običi i razgovarati o problemima koji datiraju već duže vrijeme.

Odgovor: Pitanjem nije tačno rečeno o kojem putnom pravcu se radi te je stoga potrebno sa predsjednikom MZ utvrditi koji je to putni pravac. Ukoliko se bude radilo o putnom pravcu za koji postoji potpisan ugovor, radovi prekinuti zbog zimske sezone, a rok završetka je do kraja Maja 2017 godine, prioritet, početnog građevinske sezone će biti već definisani radovi.

SEMIR DEDIĆ – vijećnik SDA

Inicijativa: "Pokrećem inicijativu da se stanovnicima dijela Misoče (Dedići) obezbijedi bar jedna posuda za odlaganje kućnog otpada.

Obrazloženje: U navedenom naselju ne postoji niti jedna posuda za odlaganje otpada, a postojeće porodice koje nemaju vozilo taj otpad moraju nositi do najbliže posude koja je poprilično udaljena. Kako stoji u odgovoru na vijećničku inicijativu kolege Armina Matoruge dostavljenog od strane KJKP "Rad" d.o.o. Sarajevo, broj:02-01-07-2567/17 od 18.02.2017. godine, da u planu kapitalnih ulaganja ovog preduzeća postoji i nabavka posuda za odlaganje kućnog otpada, pokrećem ovu inicijativu da se jedna od tih novonabavljenih posuda postavi u ovo naselje, u 2017. godini.

Odgovor: U toku je procedura nabavke 30. kontejnera čije će se lokacije utvrditi nakon nabavke istih, shodno potrebama MZ i u saradnji sa KJKP Rad Sarajevo.

DAMIR FILIPOVIĆ – vijećnik SDP-a

Inicijativa: "Pokrećem inicijativu da se pored magistralnog puta u MZ Ljubina postave table sa oznakom naselja "Ljubina".

ALAN ŠERAK – vijećnik SDP-a

Inicijativa : "Pokrećem inicijativu da se pored magistralnog puta u MZ Ljubina postave table sa oznakom naselja "Ljubina".

Odgovor: Ova inicijativa je pokretana u 2013 godini i u prilogu dostavljamo odgovore iz nadležnog preduzeća za upravljanje magistralnom cestom M18, JP "Ceste FBiH" d.o.o. Sarajevo koji su pristigli po tim inicijativama. Obzirom da Federalna Direkcija za ceste problematizira postavljanje predmetnih znakova i samog pojma naselje Ljubina, općina će, po izboru izvođača radova u narednih dva mjeseca, postaviti dvije table na vlastitu odgovornost.

ALMIR ŠPIODIĆ – vijećnik BPS-Sefer Halilović

Pitanje: "Da li je iko iz Službe za stambeno-komunalne poslove općine Ilijaš utvrdio stanje puteva prije radova koje je vršio BH Telekom u MZ Podlugovi, kao i nakon završetka istih? Obrazloženje: Na području MZ Podlugovi, tačnije u naseljima Vratuša, Sovrle i Makljen gdje su vršeni radovi, građani su se žalili da putevi nisu vraćeni u prvobitno stanje. Stoga, zahtijevam da nadležna općinska inspekcija izađe na dionice navedenog područja i sačini zapisnik o zatečenom stanju. Također, evo kolega insistira i za Mrakovo i Ljubniće, jer nisu ništa u boljem stanju".

Odgovor: Za izgradnju podzemne kablovske kanalizacije za postavljanje optičkih kablova na lokalitetu Podlugovi, Lješevu, Ljubnići, Salkanov Han, Mrakovo i Popovići sa izgradnjom objekta u Podlugovima za distributivni razdjelnik i postavljanje ormara sa opremom DD BH Telecom Sarajevo posjeduje dokumentaciju o građenju i odobrenje za prokop javne površine. Kada je podnesen zahtjev za izdavanje urbanističke saglasnosti, prije samog pokretanja postupka, služba je upozoravala da će se izvođenjem predmetnih radova raskopati najveći urbani dio općine. Međutim, obzirom na investiciju i činjenicu poboljšanja usluga telekoma, ušlo se u predmetni projekat. Prije početka radova, održano je nekoliko sastanaka sa menadžmentom firme, načelnikom i predsjednicima Savjeta MZ na temu što uspješnijeg završetka radova. Svi su znali svoje obaveze i izvođači na terenu su trebali izvršiti svoje obaveze. Inspekcija komunalna i građevinska vršila je stalni uvid na terenu, upozoravala, zaustavljala radove. Ovdje je problem telekomu, njihovi izvođači, podizvođač i nadzorni organi koji prate radove i koje informacije se prenose do odgovornih u telekom. Koliko smo samo mi imali problema, a Vi, predsjednici MZ na kojim se izvode radovi znate, da se završe radovi na terenu prije asfaltiranja puteva, prolongirali smo rokove izvođenja, kasnili, molili, ntervenisali...Evidentno je da imamo veliki problem zbog kašnjenja i neadekvatno izvedenih radova od strane firme koja izvodi radove na terenu. Ono što služba može uraditi je proslijediti pitanje DD BH Telecom Sarajevo.

SAUDIN DURMIĆ – vijećnik SDA

Inicijativa: "Izražavam nezadovoljstvo povodom dobijanja odgovora na pitanja postavljena Direkciji za ceste Kantona Sarajevo, a tiču se: raskresanje putnih pravaca; zamjena saobraćajnog ogledala i uklanjanje posipnog materijala sa lokalnih cesta u nadležnosti Direkcije za ceste Kantona Sarajevo. Napominjem da sam pitanja i inicijative podnio i pismeno na 2. i 5. sjednici Općinskog vijeća Ilijaš.

Odgovor: Iz Direkcije za puteve Kantona Sarajevo nismo dobili odgovor na ova pitanja i inicijative. Ukoliko Direkcija u narednom periodu ne izvede raskresavanje i postavljanje ogledala, po izboru izvođaće općina će izvesti nužne radove.

AKIF BEŠLIJA – vijećnik SBB-a

Inicijativa: "Na zahtjev stanovnika MZ Mrakovo i MZ Podlugovi, opet pokrećem inicijativu da se naspu tzv. bankine pored puta na dionici od mosta i skretanja za Vratušu, pa do Podlugova, urede prilazi kontejnerima, naspu tzv. bankine pored puta, te da se što hitnije iznađe rješenje za čišćenje postojećeg kanala za otpadne vode od kontejnera na Vratuši, pa sve do mosta na skretanju za Mrakovo.

Obrazloženje: Istu inicijativu sam pokrenuo na sjednici koja je održana 29.11.2016. godine, te dobio odgovor da će se sve ovo regulisati u periodu ljetnog održavanja puteva, a kako je već sezona ljetnog održavanja počela, istu opet pokrećem.

Svjedoci smo da se u prethodnom periodu na području MZ Mrakovo i MZ Podlugovi vršilo kopanje i postavljanje cijevi za polaganje optičkih kablova kao i kopanje šahtova. Kopanjem istih na pomenutoj dionici došlo je do zatrpavanja i onako loših kanala za otpadne vode, te iste umjesto kanalom teku putem što može dovesti i do zaraznih

oboljenja. Također, došlo je i do uništavanja nasipa uz asfalt tzv. bankine što se sve pretvorilo u blato, te je skoro pa nemoguće na pojedinim dijelovima da se automobili mimoiđu što svakako ugrožava odvijanje saobraćaja. Ovome dodajem i da je pojedinim kontejnerima nemoguće prići i odložiti smeće također zbog blata. Također, ovoj inicijativi dodajem i postavljanje ogledala kod kontejnera na Vratuši.

Molim nadležnu općinsku službu da izađe na teren, na navedenu lokaciju, utvrdi činjenično stanje, te naloži izvođačima radova da cijelu dionicu puta vrati u prvobitno stanje, a ne da je ostave uništenu. Prilog 1: fotografije pomenute dionice”.

Odgovor: Poslije provođenja procedure odabira Izvođača radova, Služba će postupiti u skladu sa Operativnim planom, a što se tiče polaganja optičkih kablova inicijativa je dostavljena JP”BH Telekom” Sarajevo.

BESIM GLJIVA – vijećnik Stranke za Srednje

Inicijativa:”Neophodno je sanirati lokalni put za selo Gojanoviće koji je zbog odrona u prekidu već duže vrijeme. Dolazi sezona poljoprivrednih radova i bilo bi neophodno omogućiti pristup građanima navedenom selu”.

Odgovor:Nadležna Služba je izlazila na teren, predmjer i predračun radova je dostavljen Službi civilne zaštite, ali obzirom na posljednja dešavanja na predmetnom putu bit će potrebno izraditi novi predmjer i predvidjeti zaštitu kosine. Poslije izbora izvođača radova, nastaviti će se procedura.

ANEL BUMBULOVIĆ – vijećnik SDA

Inicijativa grupe građana i stanovnika INA-Makljen.

Inicijative:”Želim da vas obavijestim da je na području MZ Podlugovi u Ilijašu došlo do narušavanja zakona i narušavanja zdravlja ljudi, djece i ekološke zajednice. Naime, u naselju INA-Makljen bb, došlo je do stvaranja deponije smeća i opasnog otpada na lokaciji koja se nalazi uz rijeku Stavnju kao i uz samo naselje Makljen. Već nekoliko mjeseci uzastopno se vrši kontinuirano deponiranje otpada i smeća, te opasnih materija. Kamioni firme Barsa d.o.o. Visoko kontinuirano vrše dovoženje otpada sa područja drugih i naše opštine. U posljednjih 10 dana došlo je do dovoženja ogromnih količina kamionskih, automobilskih kao i guma malih vozila na ovom lokalitetu. Pored toga su dovožene i određene količine metalnih buradi, plastike, uljnih filtera i ogromnih količina zemlje sumnjivog porijekla u obliku asfalta, te velikih betonskih naslaga u kojima se nalaze velike količine željeza. U prilogu vam dostavljamo mapu lokacije kao i fotografije sa lica mjesta. Moramo napomenuti da smo dana 28.03.2017. godine na lice mjesta pozvali pripadnike MUP-a tj. Policijske stanice Ilijaš koji su izvršili uviđaj i fotografisali mjesto događaja. Uviđaju je prisustvovao određeni broj građana kao i predstavnik mjesne zajednice Safet Gabeljić koji se odazvao na poziv. Također, moramo napomenuti da je policija na licu mjesta utvrdila i pronašla direktnog počinioca ovih gore navedenih djela koji je istu i potvrdio, te izjavio “da je ovo njegova zemlja i da smije da radi šta god želi”. Gospodin je vlasnik firme Barsa d.o.o. i rekao je da će nastaviti sa deponiranjem ovih materijala, te da će ih zatrpavati zemljom, jer je to “njegova zemlja”. Navedena firma se bavi drvoprerađivačkim poslovima. U samo nekoliko metara od “njegove” zemlje se nalaze naši domovi i rijeka Stavnja. Molim vas da nam podhitno pomognete i zaustavite ove protiv zakonite radnje, a koje se odnose na:kršenje člana Zakona 4., 5. i 6. - Zakon o upravljanju otpadom Kantona Sarajevo; brojne druge zakone o ekološkim standardima, kao i narušavanje prava na život; kršenje člana 13. Zakona o upravljanju otpadom. Podsjećamo Vijeće, načelnika i nadležne inspekcije na kaznene odredbe gore navedenog zakona.

Član 52. Ko prikuplja, tretira, pohranjuje, prevozi i odlaže otpad bez dozvole i time izazove opasnost i zdravlje ljudi, ili zagađenje zraka, vode ili zemlje, ili rizik za biljni i životinjski svijet, čini krivično djelo i kaznit će se zatvorom od tri mjeseca do tri godine. Ko odlaže eksploziv, zapaljivi, toksični ili zarazni otpad bez odobrenja i tim izazove opasnost po život i zdravlje ljudi ili zagađenje zraka, vode ili zemlje, ili rizik za biljni i životinjski svijet čini krivično djelo i kaznit će se zatvorom od jedne do pet godina. Ako je djelo iz stava 1. i 2. ovog člana učinjeno iz nehata, učinitelj će se kazniti novčanom kaznom ili zatvorom do jedne godine.

Član 53. Novčanom kaznom u iznosu od 1.000,00 KM do 10.000,00 KM kaznit će se za prekršaj svako pravno lice ako:

- ne pribavi dozvolu za aktivnosti upravljanja otpadom (član 12.) ili krši uslove propisane u dozvoli;
- ne uskladišti otpad na okolinski prihvatljiv način prije njegovog odlaganja ili ponovnog korištenja (član 24.);
- redovno ne obavještava nadležni organ o otpadu preuzetom na tretman (član 29.);
- koristi otpad suprotno odredbi člana 31.;
- odlaže otpad suprotno odredbi člana 33.;
- vrši prekogranični promet otpada suprotno članu 39. stav 3.

Novčanom kaznom u iznosu od 500,00 KM do 2.000,00 KM kaznit će se za prekršaj iz stava 1. ovog člana odgovorno lice u pravnom licu.

Molim vas da u što kraćem roku pošaljete nadležne inspekcije na lice mjesta i da zaustavite daljnje deponiranje, te da se izvrši uklanjanje opasnih materijala sa lica mjesta. Prilog 2: fotografije sa lica mjesta”.

Odgovor: Inicijativa je dostavljena Kantonalnoj upravi za inspekcijske poslove na nadležno rješavanje.

Inicijativa: ”Pokrećem inicijativu prema nadležnim opštinskim službama da izađu na teren i utvrde štetu nastalu na putevima pri izvođenju radova na polaganju optičke telekomunikacione instalacije u naseljenim mjestima Sovrle, Ina-Makljen, Vratuša u MZ Podlugovi, kao i ostale mjesne zajednice u opštini Ilijaš. Obrazloženje: Firma Tele-invest Sarajevo je prije više od šest mjeseci završila postavljanje instalacija. Međutim, nisu izvršili rekonstrukciju i vraćanje u prvobitno stanje pomenutih puteva. Stoga je došlo do slijeganja nasipnog materijala, te otežanog kretanja vozila i stanovništva na tom području.

Odgovor: Inicijativa je dostavljena JP”BH Telekom”d.d.Sarajevo.

ALAN ŠERAK – vijećnik SDP-a

Inicijativa: ”Pokrećem inicijativu da se izvrši nasipanje makadamskog puta koji vodi prema zaseoku ”Bokšići”.

Odgovor: Poslije provođenja procedure odabira Izvođača radova, Služba će postupiti u skladu sa Operativnim planom.

Inicijativa: ”Pokrećem inicijativu da se izvrši rekonstrukcija puta na području MZ Podlugovi, tačnije u naselju Sovrle na potezu Spomen česme”.

Odgovor: Poslije provođenja procedure odabira Izvođača radova, Služba će postupiti u skladu sa Operativnim planom

Inicijativa: ”Pokrećem inicijativu da se riješi problem građana stambene zgrade u ulici Kakanjska br.29. koji je nastao izgradnjom puta od Fazumove zgrade prema putu koji vodi prema Mrakovu. Izgradnjom navedenog puta podignut je nivo istih za 60-70 cm, te cijev za

oborinske vode Ø300 spojena sa kanalizacijom čiji je promjer Ø150 što izaziva plavljenje ulaza i podruma same zgrade. Do sada je bilo više inicijativa po ovom pitanju i postavljam pitanje zašto izvođač radova pomenutog puta nije prostor vratio u prvobitno stanje – funkcionalno stanje navedenih zgrada.

Odgovor: U toku izvođenja radova na rekonstrukciji Alića rampe Vodostan je izveo određene radove koji su preduslov adekvatne odvodnje sa predmetnog područja. Inicijativa je dostavljena JKP "Vodostan" d.o.o. Ilijaš.

Pitanje: "Kada će se pristupiti izgradnji i postavljanju nadstrešnica na autobuskim stajalištima na području MZ Lješevu"?

Odgovor: Predmetni radovi nisu planirani Budžetom za 2017, niti operativnim planom općinskog načelnika.

Posebno: Molimo uvažene vijećnike da prije postavljanja pitanja i inicijative izvrše uvid u Operativni plan općinskog načelnika, obzirom da se jedan dio pitanja odnosi na već planirane radove, a drugi dio odnosi se na radove koji nisu planirani Operativnim planom, te stoga Služba nije u mogućnosti ni planirati iste u tekućoj godini

Napomena:

U prilogu je odgovor iz "Elektro distribucije" Sarajevo na pitanje koje je postavio vijećnik Alan Šerak.

Služba za prostorno uređenje
i stambeno komunalne poslove